



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

Anr.1/2019

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Fejzullah Rexhepi kryesues, Kymete Kicaj, anëtare dhe Adnan Konushevc, anëtar, me pjesëmarrjen e zyrtarës së lartë ligjore Antigona Murati, duke vendosur lidhur me apelin e parashtruar nga subjekti politik Partija Liberale Egjiptiane (PLE) me seli Prishtinë, kundër vendimit të Komisionit Qendror Zgjedhor (KQZ), me nr. Protokoli 919/2019 dt.04.09.2019, selia në Prishtinë, lidhur me mos emërimin e anëtarëve të Komisionit Komunal Zgjedhor (KKZ) në Komunitet: Istog dhe Klinë, për Zgjedhjet e Parakohshme për Kuvendin e Republikës së Kosovës që do të mbahen më 06.10.2019, në seancën e panelit të mbajtur me 10.09.2019, mori këtë:

V E N D I M

REFUZOHET si i pabazuar apeli i subjektit politik Partija Liberale Egjiptiane (PLE) me seli në Prishtinë, paraqitur kundër vendimit, të Komisionit Qendror të Zgjedhjeve (KQZ) me nr. Protokoli 919/2019 dt.04.09.2019, lidhur me mos emërimin e anëtarëve të këtij subjekti politik në Komisionet Komunale Zgjedhor (KKZ) në Komunitet: Istog dhe Klinë.

A r s y e t i m

Subjekti politik PLE me seli në Prishtinë, ka paraqitur apel në PZAP, kundër vendimit të KQZ-së të datës 04.09.2019, për shkak të mos aprovimit të emërimit të anëtarëve të KKZ-ve, prej propozimeve të Partisë Liberale Egjiptiane-PLE në komunitet Istog dhe Klinë për Zgjedhjet e Parakohshme për Kuvendin e Republikës së Kosovës që do të mbahen më 6 tetor 2019. Parashtruesi i apelit në vazhdim pretendon se duke u bazuar në Ligjin për Zgjedhjet Qendrore dhe Lokale, rregulloreve në fuqi, përbërjes së KQZ-së dhe frymës të gjitha këtyre më lartë do të duhej të jenë anëtarë të KKZ-ve, të paktën njëra nga partitë, e komuniteteve Rom, Ashkali dhe Egjiptian. Sipas parashtruesit të apelit komisionet komunale të zgjedhjeve në Istog dhe Klinë janë të papërfaqësuar me partitë e komuniteteve Rom, Ashkali dhe Egjiptian dhe pretendon se iu është bërë një mohim i të drejtës tyre për të marrë pjesë në organizimin dhe monitorimin e procesit zgjedhor, në këto dy komuna. PLE në apelin e tyre theksojnë se subjekti i tyre ka qenë anëtarë e KKZ-ve në Istog dhe Klinë në dy palë zgjedhjet e kaluara të mbajtura më vitin 2018. Andaj ka propozuar për panelin, që kërkesa e tyre të shqyrtohet me përgjegjësi të lartë dhe në një afat sa më të shkurtër të merret një vendim për emërimin e anëtarëve në komisionet komunale zgjedhore në Istog dhe Klinë.

PZAP-i, pas pranimit të apelit në kuptim të nenit 11 paragrafi 7 të Rregullave dhe Procedurave të PZAP-it, më datën 06.09.2019, e ka informuar KQZ-në dhe ka kërkuar nga ky komision që të përgjigjet lidhur me apelin e parashtruar.

Në përgjigjen e ofruar nga KQZ theksohet se Komisioni Qendror i Zgjedhjeve (KQZ), me vendimin e datës 04.09.2019, nr.919/2019 ka emëruar Komisionet Komunale të Zgjedhjeve me të cilën gjatë emërimit të KKZ-ve është bazuar në nenin 67 të LZP-së, ku në rastin konkret tek nominimet e subjektit politik PLE, KQZ-ja është bazuar në nenin 67 paragrafi 3 dhe nenin 67 paragrafi 9 të këtij ligj, ku në momentin e emërimit ka marrë për bazë përfaqësimin e drejtë në KKZ për të gjitha komunitetet me numër të dallueshëm të popullatës brenda një komune.

Paneli pasi që shqyrtoi dhe analizoi shkresat e lëndës, në kuptim të afatshmërisë së apelit, gjeti se:

Apeli është i pabazuar

Paneli ka gjetur se përveç pretendimeve të thëna si më lartë, pala parashtruese nuk ka paraqitur asnjë provë me të cilën do të vërtetoheshin pretendimet e parashtruara në apel.

Paneli vlerëson se, pretendimet ankimore të parashtruesit të apelit se me rastin e marrjes së vendimit Nr. 919/2019 të datës 04.09.2019 nga KQZ-ja për nominimin e anëtarëve për KKZ në 8 komuna të Kosovës i është bërë e padrejte, janë të paqëndrueshme ngase KQZ me rastin e nominimeve të anëtarëve të KKZ-ve për Zgjedhjet e Parakohshme për Kuvendin e Republikës së Kosovës, që do të mbahen më datë 06.10.2019, si kriter ka marrë për bazë përfaqësimin e drejtë në KKZ, për të gjitha subjektet politike, si dhe për gjitha komunitetet brenda një komune.

Mbi këtë bazë Paneli vlerëson se vendimi i apeluar i KQZ-së, për nominimin e kandidatëve të KKZ-së për komunat e lartcekura si në apel, është i bazuar në ligj dhe është në harmoni të plotë me nenin 67 par. 1 dhe 3 të LZP-së, në të cilin KQZ-ja është përpjekur dhe ka garantuar përfaqësimin e drejtë dhe në mënyrë proporcionale të KKZ-ve në komunat e theksuar më lart për të gjitha komunitetet me numër të dallueshëm të popullatës brenda një komune.

Prandaj nga arsyet e theksuara më lart si dhe duke u bazuar në dispozitat e nenit 118 par.1 të LZP-së, si dhe nenit 11 par.6 të Rregullës Nr.02/15 të PZAP-it, u vendos si në dispozitiv të këtij vendimi.

Paneli Zgjedhor për Ankesa dhe Parashtrësia
Anr.1/2019 më datën 10.09.2019



Këshillë Juridike: Kundër këtij vendimi është e lejuar ankesa sipas nenit 118 par. 4 të LZP-së, në Gjykatën Supreme të Kosovës, brenda njëzetekatër (24) orëve nga momenti i marrjes-pranimi të këtij vendimi.